



日
2971
46

昭和十八年
九月
十四日
賜求

史鉤沉

甘泉黃蘋學

遜書者

陸機晉書

甘泉黃蘋學

三祖

二祖實終爲臣故書爲臣之事不可如傳此
之謂也而名同帝王故自帝王之籍不
可以不稱紀則追王之義

初學記二十一引
陸士衡晉書限斷

議

文帝

文帝勢崇於三分而身終於北面雖曰未暇

王雙寧書

王業已固矣

初學記九

王濬

王濬之在巴郡夢懸四刀於上是惡之濬問
主簿李毅毅拜賀曰夫三刀爲州而見四爲
益一也明府其臨益州乎後果爲益州書鈔
三十二 藝文六十四巴郡作巴也於上作於其上無濬問二字毅字不重見四下無爲
字無末五字又七十九引下濬夢懸四刀於其壁上濬問主簿李毅毅拜下無賀字而見四爲益一也作而今益一亦無末五字御覽二百五十四引陸機晉武紀巴郡下有也子甚惡之下作王濬主簿拜賀曰而見下無西爲一言一下無也字餘俱同書鈔之三百

四十五引益州下有刺史二字又三百九十八引同

顧譚

宣太子正位東宮天子方隆訓導之義妙簡
俊彥講學左右時四方之傑畢集太傅諸葛
恪等雄奇蓋衆而譚以清識絕倫獨見推崇
自太尉范慎謝景揚鑑之徒皆以秀稱其名
而悉在譚下三國吳志顧譚傳注引陸機爲譚傳云云附錄于此

惠帝

卷之二

附

二

三

四

因桂子書

有雲母幌書鈔一百三十一御覽六百九

帝還洛陽至陵下謁無履取左右履著下拜

御覽六百九十七

帝至朝歌無被中黃門以兩幅布被給帝

七百七

愍懷太子

愍懷太子賜典兵中郎將複紵鞬一綯書鈔一百

三十六

愍懷以體上曰絹單衣一領因士寄與妃

御覽一百

愍懷皇太子妃自貴職二

惠帝使使節並司空任城王濟策命愍懷皇太子前妃爲皇太孫太妃是日也以復告於宗廟御覽一百四十九

皇孫臧

拜皇孫臧爲臨淮王尚爲襄陽王又詔臧爲皇太孫臧廢到銅駝街宮人待從皆哽咽路

人拭淚焉桑復生於西廂長丈餘太孫廢乃

枯御覽一百四十九

惠帝詔以太常成粲爲太孫太傅前城閣校尉梁柳爲太孫少傅

御覽同上

裴頫

裴頫字逸民河東聞喜人司空秀之少子也

世說言語篇注

顧雅有遠量當朝名士也民之望也頫理具淵博贍於論難著崇有貴無二論以矯虛誕之弊文辭精富爲世名論子嵩字道文

魏志裴潛

傳注引陸機惠帝起居注民之望也上有又曰二字世說文學篇注引頫著論以規虛誕之弊文辭富爲世名論又賞譽篇注引頫理甚淵博贍於論難

張林

門下通事令史張林飛燕之曾孫林與趙王倫爲亂未及周年位至尚書令衛將軍封郡公尋爲倫所殺

魏志張燕傳注引陸機晉惠帝起居注

石超

王浚乘勝追石超軍於斥邱超持重不與戰以鹿角爲營

御覽三百三十七下注云一作以鹿角步安立營

正封殊相見已故官僚不祖

日頭

公車故前祖

渝風流未及風雨

門不無事今復

題林

得雨生甘露

得雨生甘露

得雨生甘露

子史鈞沉

山東濟寧軍不消而王

逸書考

白于寶晉紀

甘泉黃奭學

高祖宣帝

帝問宣王度淵將何計以待君宣王曰淵棄城預走上計也據遼水拒大軍其次也坐守

城平此爲成禽耳帝曰然則三者何圖對曰唯明智審量彼我乃預有所割棄此旣非淵所及又謂今往縣遠不能持久必先據遼水然後守也帝曰往還幾日對曰往百日攻百

日還百日以六十日爲休息如此一年足矣

王國魏志明帝紀注

吳將全琮寇芍陂朱然孫倫五萬人圍樊城諸葛瑾步驟寇祖中琮已破走而樊圍急宣王曰祖中民夷十萬隔在水南流離無主樊城被攻厯月不解此危事也請自討之議者咸言賊遠圍樊城不可拔挫於堅城之下有自破之勢宜長策以御之宣王曰軍志有之將能而御之此謂糜軍不能而任之此爲覆

軍今疆場騷動民心疑惑是社稷之大憂也六月督諸軍南征車駕送津陽城門外宣王以南方暑溼不宜持久使輕騎挑之然不敢動於是乃令諸軍休息洗沐簡精銳募先登申號令示必攻之勢乃夜遁追至三州口大殺獲魏志三少帝紀注

孝惠帝

武帝使侍中荀顥和嶠俱至東宮觀察太子顥還稱太子德識進茂而嶠云聖質如初魏志

志

荀彧傳注

卷之三

曹爽

爽留車駕宿伊水南伐木爲鹿角發屯田兵數千人以爲衛

魏志曹爽傳注

桓範出赴爽宣王謂蔣濟曰智囊往矣濟曰範則智矣驚馬戀棧豆爽必不能用也

藝文九十三御覽八百九十五引棧豆同上作芻豆又四百三十二引至智囊往矣

魯芝

楊綜

爽旣誅宣王卽擢芝爲并州刺史以綜爲安

東叅軍

魏志曹爽傳注

夫闢

魏志同上

王凌

恩足不遺晉賦子列字

魏志同上

凌到項見賈逵祠在水側凌呼曰賈梁道王凌固忠於魏之社稷者唯爾有神知之其年

太傅有疾夢凌達爲厲甚惡之遂薨

魏志王凌傳注

孟達

達初入新城登白雲塞嘆曰劉封申耽據金

城千里而失之乎

魏志明帝紀注

諸葛誕

直指司馬一入麻廟之策不

三

數百人拱手爲列每斬一人輒降之竟不變至盡時人比之田橫吳將于銓曰大丈夫受命以兵救人旣不能克又束手於敵吾弗取也乃免胄冒陣而死

魏志諸葛誕傳注

初壽春每歲兩潦常淹城邑故文王之築圍也誕笑之曰是固不攻而自敗也及大軍之攻亢旱踰月城旣陷是日大雨圍壘皆毀誕子覲字仲思吳平還晉覲子恢字道明位至尚書令追贈左光祿大夫開府

魏志同上

馬隆

會稽人善騎射會算數目圖射則百發百中

兗州武寇東不馬隆託爲愚家客以私財更殯葬行服三年種植松柏一州之士愧之

魏志

王凌傳注

愚謂令狐愚王凌外甥

賈充

成濟問賈充曰事急矣若之何充曰公畜養汝等爲今日之事也夫何疑濟曰然乃抽戈

犯蹕

魏志三少帝紀注

劉陶

字叔大齊東山間聞名號號封侯

母邱儉之起也大將軍以問陶陶答依違大將軍怒曰卿平生與吾論天下事至於今日而更不盡乎乃出爲平原太守又追殺之

魏志劉曜傳注

劉曜傳注

蔣濟以曹真之勲力不宜絕嗣故以熙爲後濟又病其言之失信於爽發病卒

魏志曹爽傳注

呂安

呂安兄巽善於鍾會巽爲相國掾俱有寵於

蔣濟

司馬文王故遂抵安罪

魏志王粲傳注

嵇康

正元二年司馬文王反自樂嘉殺嵇康呂安

魏志王粲傳注

陳咸

曾字穎考正元中爲司隸校尉時母邱儉孫女適劉氏以孕繫廷尉女母荀爲武衛將軍荀顗所表活既免辭詣廷尉乞爲宮婢以贖女命曾使主簿陳咸爲議議曰大魏承秦漢

之弊未及革制所以追戮已出之女誠欲殄
醜類之族也若已產育則成他家之母於法
則不足懲奸亂之源於情則傷孝子之思男
不御罪於他族而女獨嬰戮於二門非所以
哀矜女弱均法制之大分也臣以爲在室之
女可從父母之刑旣醜之婦使從夫家之戮
朝廷從之乃定律令魏志 何夔傳注 曾謂

姜維

會謂維曰來何遲也維正色流涕曰今日見

此爲速矣會甚奇之

蜀志姜維傳注

姜維爲蜀相國亡主辱弗之死而死於鍾會
之亂惜哉非死之難處死之難也是以古之
烈士見危授命投節如歸非不愛死也固知
命之不長而不得其死也

蜀志同上引干寶

干寶曰案當是諸葛瞻論

諸葛瞻

瞻雖智不足以扶危勇不足以拒敵而能外
不負國內不改父之志忠孝存焉

蜀志諸葛瞻傳注引

干寶曰案當是諸葛瞻論

薛瑩

武帝從容問瑩曰孫皓之所以亡者何也瑩對曰歸命侯臣皓之君吳也昵近小人刑罰妄加大臣大將無所親信人人憂恐各不自保危亡之釁實由於此帝遂問吳士存亡者之賢愚瑩各以狀對

吳志薛綜傳注

趙達

魏文帝之在廣陵吳人大駭乃臨江爲疑城自石頭至於江乘車以木楨衣以葦席加采

飾焉一夕而成魏自江西望甚憚之遂退軍權令趙達算之曰曹丕走矣雖然吳衰庚子歲權曰幾何達屈指而計之曰五十八年權曰今日之憂不暇及遠此子孫事也

吳志孫權傳注御覽一百九十二引至一夕而成車以木楨作以木爲板

陸璆

陸璆奉使如魏入境而問諱入國而問俗壽春將王布示之馬射而問之曰吳之君子亦能斯乎陸曰此臣人騎士肆業所及士大夫

君子未有爲之者矣布大慙旣至魏帝見之使賓問曰來時吳王何如陟對曰來時皇帝臨軒百寮陪位御膳無恙晉文王饗之百寮畢會使賓者告曰某者安樂公也某者匈奴單于也陟曰西王失土爲君王所禮位同三代莫不感義匈奴邊塞難羈之國君王懷之親在坐席此誠威恩遠著又問吳之戍備幾何對曰自西陵以至江都五千七百里又問曰道里甚遠難爲堅固對曰疆界雖遠而其

險要必爭之地不過數四猶人雖有八尺之軀靡不受患其護風寒亦數處耳文王善之厚爲之禮吳志孫皓傳注書鈔四十引至布大慙

岑昏

皓殿中親近數百人叩頭謂皓曰北軍日近而兵不舉刃陛下將如之何皓曰何故對曰坐岑昏皓獨言若爾便當以奴謝百姓衆因已唯遂並起收昏皓駱驛追止已屠之也吳志孫皓傳注

孫皓傳注

張悌

二寶晉紀

吳丞相軍師張悌護軍孫震丹陽太守沈瑩帥衆三萬濟江圍成陽都尉於楊荷橋衆才七千閉柵自守舉白接接字疑告降吳副軍師諸葛覲欲屠之悌曰強敵在前不宜先事其小且殺降不祥覲曰此等以救兵未至而力少故且僞降以緩我非來伏也因其無戰心而盡坑之可以成三軍之氣若舍之而前必爲後患悌不從撫之而進與討吳護軍張瑜

揚州刺史周俊成陣相對沈瑩領丹陽銳卒刀楯五千號曰青巾兵前後屢陷堅陣於是以馳淮南軍三衝不動退引亂薛勝蔣班因其亂而乘之吳軍以次土崩將帥不能止張喬又出其後大敗吳軍於板橋獲悌震瑩等

吳志孫皓傳注 御覽三百五十七引吳軍帥張悌帥衆一二萬濟江與討吳護軍張翰至屢陷堅陣周俊作周俊

尚廣

王濬治船於蜀吾彥取其流柂以呈孫皓曰

王寶晉紀

九

晉必有攻吳之計宜增建平兵建平不下終

不敢渡江皓弗從陸抗之克步闡也皓意張
大乃使尚廣筮并天下對曰庚子歲青蓋當
入洛陽故皓不修其政而恒有窺土國之志
是歲也實在庚子

吳志孫皓傳注

孫秀此非從趙王倫之孫秀

秀在晉朝初聞皓降羣臣畢賀秀稱疾不與
南向流涕曰昔討逆以一校尉創業今後主
舉江南而棄之宗廟山陵於此爲墟悠悠蒼

天此何人哉朝廷美之

吳志孫匡傳注上俱三國志注

已

太祖文帝

高貴鄉公之殺司馬文王召朝臣謀其故太
常陳泰不至使其舅荀顥召之告以可不泰
曰世之論者以泰方於舅今舅不如泰也子
弟內外咸共逼之垂涕而入文王待之曲室
謂曰玄伯卿何以處我對曰可誅賈充以謝
天下文王曰爲吾更思其次泰曰唯有進於
此不知其次文王乃止

世說新語方正篇注三國魏志陳泰傳

注引告以可否上有顓至二字誅賈充上無可字唯有上有奉言二字乃止作不更言文選袁彥伯三國名臣序讚注引之殺作之弑其故太常陳泰下卽接垂涕而入無而字誅賈充上無可字唯有上有奉言二字乃止作乃久不言下有爲侍中轉左僕射薨八字會朝臣而謀其故作其日荀顓召之下卽接御覽四百二十八引之殺作薨下作太祖垂涕而入誅賈充上無可字更思其次上作不可爲泰曰下作但見其進末句作太祖乃不復問

孝惠帝

皇太子有醇古之風美於信受侍中和嶠數言於上曰季世多僞而太子尙信非四海之

主憂太子不了家事願追思文武之祚上旣重長適又懷齊王朋黨之論弗入也後上謂嶠曰太子近日朝吾謂差進卿可與荀侍中共往言及顓奉詔還對曰太子明識弘新有如明詔問嶠嶠對曰聖質如初上默然世說方正篇注

夏侯玄

初豐之謀也使告玄玄答曰宜詳之不以聞也故及於難世說方正篇注

篇注

王經

經正直不忠於我故誅之

世說樓逸篇注

荀勗

荀勗始造正德大象之舞以魏杜夔所制律呂較大樂本音不和後漢至魏尺長於古四分有餘而夔據之是以失韻乃依周禮積粟以起度量以度古器符於本銘遂以爲式用之郊廟

世說術解篇注

呂安

主妻

不仁宋書記

初安之交康也其相思則率爾命駕

世說簡傲篇注

安嘗從康或遇其行康兄喜拭席而待弗之顧獨坐車中康母就設酒食求康兒共語戲良久則去其輕貴如此

世說同上

阮籍

何曾嘗謂阮籍曰卿恣情任性敗俗之人也今忠賢執政綜核名實若卿之徒何可長也復言之於太祖籍飲噉不輟故魏晉之間有被髮夷倣之事背死忘生之人反謂行禮者

籍爲之也

世說任誕篇注

陸抗

初陸抗誅步闡百口皆盡有識尤之及機雲見害三族無遺

世說尤悔篇注

已上俱世說注

中興之瑞

中牟縣故魏任城王臺下池中有漢時鐵椎長六尺入地三尺頭西南指不可動至月朔至正以爲晉氏中興之瑞

水經渠水注

晉紀總論

史臣曰藝文無史昔高祖宣皇帝以雄才碩量應運而仕藝文下卽接至值魏太祖創基之初籌畫軍國嘉謀屢中遂服輿軒驅馳三世性深阻初學記作深奧有如城府而能寬綽以容納任數以御物而知人善采拔故賢愚咸懷小大畢力爾乃取鄧艾於農隙晉書隙作瑣引州泰於行役委以文武各善其事故能西禽孟達東舉公孫淵內夷曹爽外襲王凌神畧獨斷征伐四克維御羣后大權在己屢拒諸葛

亮節制之兵而東支吳人輔車之勢軍旅屢動邊鄙無虧晉書無屢拒已下至無虧於是百姓與能大象始構矣世宗承基太祖繼業玄豐亂內欽誕寇外潛謀雖密而在必兆淮浦再擾而許洛不震咸黜異圖用融前烈然後推轂鍾鄧長驅庸蜀三關電掃劉禪入臣天符人事於是信矣藝文無玄豐亂內已下至信矣始當非常之禮終受備物之錫藝文下卽接至於世祖名器崇於周公權制嚴於伊尹晉書無名器至伊尹十二字至於世祖遂享皇

極正位居體羣書治要錄晉書自世祖正位居體起重言慎法晉書無正位仁以厚下治要厚居體二句儉以足用和而不弛治要無儉以二句寬而能斷故民詠惟新四海悅勸矣悅勸治要作歡悅藝文無重言已下至悅勸矣聿修祖宗之志思輯戰國之苦腹心不同公卿異議治無思輯已從六字而獨納羊祜之策治要無以從善十四字以從善爲衆故藝文無以從善至羣議十六字而仗王杜之決晉書無汎舟二句治要無汎舟三峽介馬桂陽以從善至桂楊三十字役

不二時江湘來同治要湖湘作夷吳蜀之壘垣
通二方之險塞晉書無夷吳蜀二句藝文同掩唐虞之舊
域班正朔於八荒太康之中晉書無太康四字天下
書同文車同軌牛馬被野治要無太康至餘
糧棲畝治要閭作委行旅草舍治要無行旅四字外閭不
通治要閭作關民相遇者如親其匱乏者取資於道路晉書無行旅已下至道路故於時有天下無窮人之謠藝文無民相遇已下至之謠雖太平未洽亦足以明吏奉其法民樂其生百代之一時矣晉書無百

代之一武皇既崩山陵未乾治要山陵要時五字楊駿被誅治要楊駿母后廢黜朝士舊臣夷滅者數十族晉書無朝士至十族十字尋以二公楚王之變治要無尋以八字宗子無維城之助而闕伯實沈之卻治要卻歲構晉書無而闕伯九字師尹無具瞻之貴而作隙至乃易天子顛墜戮辱之禍日有晉書無而顛墜九字至乃易天子惡陷於成敗毀譽脅於勢利晉書勢作世於是輕民不見德唯亂是聞朝爲伊周夕爲桀跖善

薄干紀之士役姦智以投之如夜蟲之赴火
治要無朝爲伊周至赴火四十字晉書無於是至赴火二十字內外混淆庶官失才官四字
綱四國政迭移於亂人禁兵外散於四方方
岳無鈞石之鎮關門無結草之固李辰石冰
傾之於荆揚劉淵晉書劉淵王彌撓之於青
冀藝文無武皇既崩已下至青冀二十餘年而河洛爲墟晉書無二十至爲墟九字
戎羯稱制二帝失尊山陵無所晉書無山陵四字何哉樹立失權託付非才四維不張

而苟且之政多也夫作法於治其弊猶亂作
法於亂誰能救之故治要無故字于時天下非暫
弱也軍旅非無素也彼劉淵者晉書無故于五字劉淵離石之將兵都尉王彌者青州之
作元海離石之將兵都尉王彌者青州之作元海散吏也蓋皆弓馬之士驅走之人凡庸之才
晉書無凡庸四字非有吳先主諸葛孔明之能也新
起之寇烏合之衆非吳蜀之敵也脫耒爲兵
裂裳爲旗治要裳作衣非戰國之器也自下逆上
非鄰國之勢也然而成敗異效晉書無成敗四字擾

天下如驅羣羊舉二都如拾遺芥芥治要脫將相連頭受戮晉書作連頭以治要頭作頸乞爲奴僕而猶不獲晉書無乞爲治至不獲八字后嬪妃主虜辱於戎卒豈不哀哉藝文無夫作法已下至哀哉夫天下大器也羣生重畜也愛惡相攻利害相奪其勢常也也二字若積木於防燎火於原未嘗暫靜也下至靜也器大者不可以小道治勢動治要重藝文同者不可以爭競擾古先哲王知其然也是以扞其大患而不有其功晉書無而不五字禦其

大災而不尸其利晉書無而不五字藝文下卽接是以感而應之百姓皆知上德之生已而不謂浚已以生也古先哲王下作知利百姓下卽接是以云云是以感而應之悅而歸之如晨風之鬱北林龍魚之趣淵澤也順乎天而享其運應乎人而和其義義十四字治要同藝文同然後設禮文以治之晉書治之作藝文治作理下卽接故衆悅其教斷刑罰以威之謹好惡以示之晉書治之作理之篤作尊故衆知向方治要無衆皆樂而安其俗

其生而哀其死悅其教而安其俗君子勤禮小人盡力廉耻篤於家閭邪僻銷於曾懷故其民有見危以授命而不求生以害義其民已下至害義又況可治要無奮臂大呼聚之以干紀作亂之事乎藝文下即接加之基廣則難傾根深則難拔理節則不亂膠結則不遷是以昔之有天下者治要者下有之字所以長久也夫豈無僻主賴道德典刑以維持之也故延陵季子聽樂以知諸侯存亡之數短長之期

者蓋民情風教國家安危之本也晉書無故至本也昔周之興也后稷生於姜嫄而天命昭顯文武之功起於后稷故其詩曰思文后稷光配彼天又曰立我蒸民莫匪爾極又曰實穎實栗卽有邰家室晉書無其詩曰已下至家室至於公劉遭狄人之亂去幽之邰身服厥勞故其詩曰乃裏饑糧于橐于囊陟則在巘復降在原以處其民晉書無故其詩曰已下至其民以至於太王晉書無以字爲戎翟所逼而不忍百姓之命杖策而去

之故其詩曰來朝走馬帥西水滸至於岐下
周民從而思曰仁人不可失也晉書無故其
失也故從之如歸市居之晉書無居二字
二年成都三年五倍其初每勞來而安集之
故其詩曰乃慰乃止乃左乃右乃疆乃理乃
宣乃畝晉書無每勞來已下至乃畝以至於王季晉書無
以字
能猶其德音故其詩曰克明克類克長克君
載錫之光晉書無故其詩已下至之光至於文王備修舊
德晉書無備修四字而惟新其命故其詩曰惟此文

王小心翼翼昭事上帝聿懷多福晉書無故
其詩曰已下至多福
下至多福由此觀之周家世積忠厚仁及草木內
睦九族外尊事黃耆養老乞言以成其福祿
者也晉書內陸作內隆無養老乞言四字而其后妃躬行四教
尊敬師傅服澣濯之衣修煩辱之事化天下
以婦道故其詩曰刑于寡妻至于兄弟以御
于家邦晉書婦道上有成字無故其詩曰已下至家邦是以漢濱之
女守潔白之志中林之士有純一之德故曰
文武自天保以上治內采薇以下治外晉書無故

日已下至治外始於憂勤終於逸樂於是天下三分有二猶以服事殷諸侯不期而會者八百猶曰天命未至晉書無於是已下至天命未至晉書無於是已下以三聖之智伐獨夫之紂猶正其名教曰逆取順守保大定功安名和衆猶著大武之容曰未盡善也晉書無保大已下至善也及周公遭變陳后稷先公風化之所由致王業之艱難者則皆農夫女工衣食之事也故自后稷之始基靜民十五王而文始平之十六王而武始居之十八王而康克

安之故其積基樹本經緯禮俗節理人情恤隱民事如此之纏綿也爰及上代雖文質異時功業不同及其安民立政者其揆一也晉書無爰及已下至一也治要自昔周之興也至一也俱無今晉之興也要治無今字功烈於百王事捷於三代蓋有爲以爲之矣晉書無蓋有爲一句宣景遭多難之時務伐英雄誅庶桀以便事晉書無務伐四字桀作孽不及脩公劉太王之仁也受遺輔政屢遇廢置故齊王不明不獲思庸於毫高貴沖人不得復子明辟二

祖逼禪代之期不暇待三分八百之會也
無功烈已下至會也治要無者也二字
是其創基立本治要無異於先代
是字治要無者又藝文無基廣加之以朝寡
純德之士晉書無又之二字之士作之人鄉乏不二之老風
俗淫僻耻尙失所藝文耻尚作趣向學者以莊老爲
宗而黜六經談者以虛薄爲辯而賤名檢晉書薄作蕩治要濁治要蕩
治要同行身者以放濁治要濁作蕩爲通而狹節
信治要信作操進仕者以苟得爲貴而鄙居正文無行身已下二十四字
文藝文當官者以望空爲高而笑勤恪

是以目三公爲蕭何之稱標上議以虛談之
名晉書無目三公至之名十六字治要無是以已下至之名藝文同劉頌屢
言治道傳咸每糾邪正皆謂之俗吏其倚杖
虛曠依阿無心者皆名重海內藝文無其倚杖已下十五字
字若夫文王日昃不暇仲山甫夙夜匪懈者
蓋其嗤黜其舊誤其黜舊誤點從晉書改以爲灰塵而相詬
病矣晉書無而相詬病四字治要無若夫已下至詬病矣由是毀譽亂
於善惡之實情慝奔於貨慾之塗選者爲人
擇官官者治要官者作宦者爲身擇利藝文下卽接其婦女莊櫛

而秉鈞當軸之士身兼官以十數大極其尊
小錄其要治要作統機事之失十恒八九晉書無機事八字而世族貴族之子弟治要貴族陵邁超
越不拘資次悠悠風塵皆奔競之士列官千
百無讓賢之舉子貞著崇讓而莫之省子雅
列九班而不得用長虞數治要無數字直筆而不
能糾晉書無長虞二字其婦女莊櫛治要櫛作飾織紝皆
取成於婢僕未嘗知女工絲枲之業中饋酒
食之事也先時而婚任情而動藝文無先故時八字

皆不耻治要作故滛泆之過不拘妬忌之惡
有逆干舅姑有反易剛柔藝文無有逆干二字有殺戮
妾媵有黷亂上下晉書無有逆干至上下二十字父兄弗之
罪也天下莫之非也又況責之聞治要聞作問四
教於古脩貞順於今以輔佐君子者哉禮法
刑政於此大壞如室斯構而去其鑿契晉書無如室九字治要同如水斯積而決其隄防如火斯畜治
蓄而離其薪燎也國之將亡本必先顛其此
之謂乎藝文引止此故觀阮籍之所行而覺禮教

崩弛之所由察庾純賈充之事治要事作爭而見師尹之多僻考平吳之功而知將帥之不讓思郭欽之謀而悟戎狄之有釁覽傅玄劉毅之言而得百官之邪核傳咸之奏錢神之論而覩寵賂之章民風國勢如此雖以中庸之才守文之主治之辛有必見之於祭祀季札必得之於聲樂范燮必爲之請死賈誼必爲之痛哭又況有晉書有作我治要同惠帝以蕩蕩晉書作放之德臨之哉故賈后肆虐於六宮韓午助

亂於外內其所由來者漸矣豈特繫一婦人之惡乎治要止此晉書無故懷帝承亂之後賈后以下至惡乎懷帝奔播之役徒晉書無之得位羈於彊臣愍帝奔播之役徒後二字廁其虛名天下之政旣已去矣非命世之雄不能取之矣然懷帝初載嘉禾生於南昌望氣者又云豫章有天子氣及國家多難宗室迭興以愍懷之正淮南之壯成都之功長沙之權皆卒於傾覆而懷帝以豫章王登天位劉向之讖云滅亡之後有少如水名者得之

起事者據秦川西南乃得其朋案愍帝蓋秦王之子也得位於長安長安固秦地也而西以南陽王爲右丞相東以琅邪王爲左丞相上諱業故改鄴爲臨漳水名也由此推之亦有徵祥而皇極不建禍辱及身豈上帝臨我而貳其心將由人能弘道非道弘人者乎晉書無然懷帝已下至淳耀之烈未渝故大命重非道弘人者乎

集於中宗元皇帝敬皇后哀策文注引仁以厚下羣書治要二十九載晉書自世祖正位居體至一婦人之惡乎初學記九引史

臣曰至四海悅勸矣藝文十一引昔高祖宣皇帝至其此之謂乎晉書五愍帝後全誠此論而刪截之御覽三百引晉紀論將相侯王連頭受戮乞爲奴僕而猶不獲免嬪妃主虜辱於戎卒豈不哀哉

晉紀論晉武帝革命

史臣曰帝王之興必俟天命苟有代謝非人事也文質異時興建不同故古之有天下者柏皇栗陸以前爲而不有應而不求執大象也鴻黃世及以一民也堯舜內禪體文德也漢魏外禪順大名也湯武革命應天人也高

光爭伐定功業也各因其運而天下隨時隨時之義大矣哉古者敬其事則命以始今帝王受命而用其終豈人事乎其天意乎

文選九、高光爭伐定功業也見文選任彥昇王文憲集序注初學記九鴻黃作鴻荒誤隨時二字不重亦誤

高祖宣帝

魏武帝爲丞相命高祖爲文學掾每與謀策

畫多善文選干令升晉紀總論注

魏文帝卽王位爲丞相長史明帝卽位遷驃

騎大將軍

文選同上

新城太守孟達反高祖親征之屠其城斬達

文選同上

高祖與曹爽俱受遺輔政爽橫恣日甚高祖乃奏事永寧宮廢爽兄弟以侯歸第有司奏黃門張當辭道爽反遂夷三族

文選同上

高祖東襲太尉王凌於壽春初凌以魏主非明帝親生且不明也謀更立楚王彪聞軍至面縛請降高祖解縛反服見之送至京師飲

藥而死

文選同上

世宗景帝

世宗景皇帝高祖崩以撫軍大將軍輔政

晉紀總論注

文選

中書令李豐推太常夏侯玄謀廢大將軍世宗聞之乃遣王羨迎豐主豐知禍及遂肆惡言勇士磔殺之玄夷三族

文選同上三百七十一引中書令李豐謀廢大將軍世宗使舍人王義請之豐來辭不遙左右以力環築腰死

揚州刺史文欽自曹爽死後陰懷異志乃矯

太后令罪狀世宗世宗自帥中軍討之欽敗得入吳

文選同上

太宗文帝

太祖文皇帝母弟也

案母弟上宜有世宗崩景帝之三字

進位大將軍錄尚書事輔政

文選晉紀總論注

天子命太祖爲晉公九錫之禮又進公爵爲

王文選同上

鎮東大將軍諸葛誕貳於我太祖親率六軍東征拔之斬誕首夷三族

文選同上

景元四年大舉伐蜀太祖部分諸軍指授方畧使征西將軍鄧艾自狄道攻姜維於沓中使鎮西將軍鍾會自駱谷襲漢中

文選同上

世祖武帝

晉書

泰始四年二月上幸芳林園與羣臣宴賦詩觀志

文選應吉甫晉武帝華林園集詩注

武帝詔曰蓋德冠生民必饗不泯之榮

文選沈休

孝懷帝

晉書

孝懷帝

詔豫章王熾爲皇太弟皇帝崩太弟卽位崩

謚曰懷皇帝

文選晉紀總論注

初望氣者言豫章廣陵有天子氣

文選同上

賊劉曜入京都百官失守天子蒙塵於平陽

文選同上引晉懷紀

孝愍帝

洛京傾覆秦王業避難南趣許潁豫州刺史閻鼎以天下無主有輔立之計

文選晉紀總論注

關中建秦王業爲皇太子本吳孝王之子出

爲秦獻王後皇帝崩太子卽位於長安崩謚曰愍皇帝

文選同上

劉曜寇長安劉粲寇於城下天子蒙塵於平陽

文選同上引晉愍紀又劉越石勸進表注引晉紀首五字作賊入掠京都以下同

愍帝詔曰羣邪作逆傾蕩五都

文選劉孝標辯命論注

中宗元帝

愍帝詔琅邪王叡曰今以王爲侍中左丞相

督陝東諸軍事右丞相南陽王督陝方諸軍

事

文選晉紀總論注

武悼楊皇后

永平元年誅太傅楊駿遷太后楊氏於永寧

宮廢爲庶人居於金墉城

文選晉紀總論注

賈惠皇后

賈庶人賜死初武帝爲太子取后在宮不恭遜而甚妬忌有孕者輒殺之或以手戟擿之子隨刃墮

文選晉紀總論注

梁王彤

梁王彤爲征西太將軍

文選潘安仁馬汧督誅注

彤爲大都督督關中諸軍屯好時文選同上

成都王穎

河間王顒表曰成都王穎明德茂親功高勲

重

文選邱希範與陳伯之書注

東海王越

太傅東海王越總兵輔政

文選晉紀總論

鄧艾

鄧艾進軍城北蜀主劉禪面縛輿櫬詣壘門

文選晉紀總論注

劉寔

時禮讓未興賢者壅滯少府劉寔著崇讓論

文選晉紀總論注

羊祜

征南大將軍羊祜來朝上疏云以國家之盛
強臨吳之危弊軍不踰時尅可必也上納之

而未宣

文選晉紀總論注

王濬

咸寧五年龍驤將軍王濬上疏曰吳王荒淫

且觀時運宜征伐上將許之賈充荀勗等畢
諫以爲不可張華固勸之杜預亦上疏上先
納羊祜之謀重之以濬預之決乃發詔諸方
大舉文選晉紀總論注

咸寧五年十一月命安東將軍王渾龍驤將
軍王濬帥巴蜀之卒浮江而下太康元年四
月王濬鼓譟入於石頭吳主孫皓面縛輿櫬
降於濬文選同上又陸士衡辯亡論注引至
浮江而下王渾下有向揚州三字

王渾愧久造江而王濬先之乃表濬不受已

節度濬上書自陳曰惡直醜正實繁有徒欲
構南箕成此貝錦文選同上

孟觀

太子太傅孟觀知中宮旨因謂二公欲行廢
立之事楚王璋殺太宰汝南王亮太保衛瓘
張華以二公旣亡楚必專權使董猛言於后
遣謁者李雲詔免璋付廷尉璋以矯詔伏誅
文選晉紀總論注

楊駿

二晉書

三

楊駿爲太傅百官總已以聽於駿文選晉紀總論注
仁西征賦

注又引駿被誅三字上下疑有脫文

韓壽

韓壽妻賈午寔始助亂

文選晉紀總論注

嵇康

呂安

嵇康譙人呂安東平人與阮籍山濤及兄巽
友善康有潛遯之志不能被褐懷寶矜才而
上人安巽庶弟俊才妻美巽使婦人醉而幸
之醜惡發露巽病之告安謗已巽與鍾會有

寵太祖遂徙安遠郡遺書與康昔李叟入秦
及關而嘆云太祖惡之追收下獄康理之俱
死

文選向子期思舊賦注

阮籍

阮籍宏逸曠達居喪不帥常檢

文選晉紀總論注

何曾謂太祖曰阮籍如此何以訓世太祖曰
度外人也宜其容之

文選任彥昇齊竟陵文宣王行狀注

庾純

賈充饗衆客庾純後至充曰君行常在人先

今何以在後純曰有小市井事是以後俗言
純乃祖爲伍伯又曰充之先爲市魁故以戲
答文選晉紀總論注

劉頌

劉頌在朝忠正才經政事武帝重之訪以治
道悉心陳奏多所施行文選晉紀總論注

劉引

劉弘教曰太康以來天下共尚無爲貴談莊
老少有說事文選晉紀總論注又引言君上
之議虛談也疑亦劉弘教中語

劉毅

上顧謂劉毅曰朕方漢何主對曰桓靈帝曰
吾雖不及古賢猶尅已爲治方之桓靈不亦
甚乎對曰桓靈賣官錢入於官陛下賣官錢
入私門以此言之殆不若也文選晉紀總論
注

傅玄

傅玄上書曰昔魏武虛無放誕之論盈於朝
野使天下無復清議而亡秦之病復發於今
文選晉紀總論注

三寶晉紀

傅咸

司隸校尉傅咸上書曰臣以貨賂流行所宜深絕

文選晉紀總論注

郭啟

尚書郭啟出赴妹葬疾病不辭左丞傅咸糾之尚書弗過

文選晉紀總論注

魯褒

魯褒字元道南陽人作錢神論

文選晉紀總論注

滿奮

苗願殺司隸校尉滿奮

文選沈休文奏彈王

丁覽

丁固父覽以孝義稱

文選沈休文齊故安陸昭王碑文注

劉淵

太康八年詔淵領北部都尉

文選晉紀總論注

劉淵遷離石遂謀亂淵在西河離石攻破諸郡縣自稱王

文選同上

劉曜

劉曜入京都殺大將軍吳王晏光祿大夫竟

陵王其餘官僚僵尸塗地百不遺一

文選晉紀總論注

注

王彌

王彌攻東莞東安二郡復攻青州

文選晉紀總論注

石冰

蜀賊李流攻益州發武勇以西赴益州兵不樂西李辰因之誑曜百姓以山都民邱沈爲主石冰應之石冰畧揚州揚州刺史蘇峻降

文選晉紀總論注引晉惠紀

已上俱文選

郭欽

太康五年侍御史郭欽上書曰戎狄彊自古爲患魏初民寡西北諸邊郡皆爲戎居若百年之後有風塵之警胡騎自平陽上黨不三日而至孟津北地西河失土馮翊太原安定裁居數縣其餘及上郡盡爲狄庭連接畿甸宜及平吳之威出北地西河安定復上郡實焉翊平陽統河北諸縣募取死罪徙三河三魏見士四萬家以充之使裔不亂華漸徙

平陽弘農魏郡京兆上黨太原雜胡出於其
表峻四夷出入之防明先王荒服之制萬世
之長策也弗納羣書治要二十九文選晉
字侍御史作御史紀總論注引無太康五年四
歷古無魏初民寃四字西北上有今字下無
諸邊二字皆爲作皆與至孟津下卽接及平
吳之威威作盛實爲翊平陽實作置下卽云
帝不聽引自此止

孝惠帝

惠帝自鄴還洛張方以三千騎奉迎自河橋
至芒山旌旗前後相屬戈矛若林書鈔一百
書鈔二十三陳

補

河間王鮑

參軍宰吏惠帝立河間王爲太宰輔政置行
參軍不限數也書鈔六十九

譙周

詔騎都尉譙周閑居中道不仕危國蜀亡之
際勸劉禪歸命有忠君濟民之謀又耽習典
藝博物洽聞朕甚嘉之以爲散騎常侍書鈔
五十

八

裴秀

裴秀制地圖有六體一曰分率二曰準望三
曰道里四曰高下五曰方斜六曰迂直書鈔一百五十七

劉毅

劉毅爲司隸校尉皇太子朝鼓吹入東掖門
毅以爲不敬止之於門外奏劾保傅以下詔
赦之然後入書鈔一百三十

孫惠

東海王越治兵召下邳縣孫惠爲記室專掌
文疏書鈔六十九

束晳

束晳爲祕書監賈誼請爲著作郎難陸機
晉書限斷書鈔五十七

傅咸

傅咸兼司隸校尉時朝廷寬宏豪右放恣郡
縣從容寇賊充斥交相請託朝野溷濁咸於
是數日之內三奏免送官奏案讐謗終無所

二 賀晉紀
撓有司肅然

書鈔六十一

傅咸在位多執正爲豫州中正銓評之職

書鈔

同上

荀晞

荀晞爲兗州刺史從母有子坐事從母向晞流涕叩頭中外皆乞終不得生死後哭之甚悲曰殺卿者兗州刺史哭弟者苟道將也

三十七下作寡有一子坐小事下從母亦作姨母御覽二百五十八引從母作姨母外上有及字乞下有活字終不得生作不聽殺卿作殺弟哭弟作哭卿

書鈔

七十八

劉蕃

劉蕃爲江夏高新令及卒百姓如喪父母將歸不受祭吏民往往相聚於路側望柩設奠醉而哭之

書鈔七十八

王導

王導爲司徒置西屬一人佐長史參定九品

也

書鈔六十八

刁協

丞相王導爲協少有令譽乃以爲撫軍行叅

軍書鈔六十九

寶晉錄

卞壺

卞壺遷太子詹事世稱壺裁斷朝廷實忠於事上也

書鈔六十五 已上俱書鈔

高祖宣帝

魏國旣建高祖遷太子中庶子與陳羣吳質朱鑠號曰四友

初學記九

天子疾篤帝與曹真陳羣等見於崇華殿之南堂並受顧命輔政詔太子曰有間此三公

者慎勿疑之帝卽位改封舞陽侯

同上 初學記已

世祖武帝

武帝自咸寧三年至太康元年木連理八生

藝文九十八

杜預

杜預作河橋成武帝幸橋讞舉觴勸預曰非卿此功不成就預曰自非陛下之聖明則臣無所施其愚巧也

藝文七十二

石崇

石崇有妓人曰綠珠美而工舞孫秀乃使人求焉崇方登涼觀臨清水婦人侍側使者以告崇崇出妓妾數十人皆蘊蘭麝而被羅縠曰在所擇使者曰君俟服御美則美矣然本受旨索綠珠崇勃然曰綠珠吾所愛重不可得也使者還以告故秀勸趙王倫殺之藝文御覽三百八十八引美而工舞作美如玉善舞美則美矣作麗矣吾所愛下無重字不可得也下有使者曰願加三思崇曰不然十一字已上藝文

世祖武帝

武帝太熙元年太廟梁折四月世祖崩開元古經一百四

高祖宣帝

帝配饗魏太祖廟有奏諸功臣從饗者更以官爲次在荀郭之上御覽五百二十六

惠賈皇后

賈庶人未害愍懷太子時有謠曰南風烈烈吹白沙千歲觸饗生齒牙南風庶人名愍懷小名沙門御覽三百六十八

初賈后造首紩以繪縛其鬚天下化之名頡子紩也

御覽三百七十三

劉寔

鍾會鄧艾將伐蜀與劉寔別客謂寔曰二將當破蜀否寔曰必破但皆不還客問其故寔曰治道在於克讓因著崇讓論曰季世不能讓賢虛謝見用之恩莫肯讓于勝已

御覽四百二十一

四

羊祜

武帝詔曰散騎常侍中軍將軍羊祜秉德清勁經緯文武雖處腹心之任不總樞機之重非垂拱無爲委任責成之意也以祜爲尚書左僕射衛將軍

御覽二百十一

王濬

王濬在巴郡兵民苦役生男多不舉濬乃嚴其殺子之防而厚卹之所育者數十人於此能稱兵矣父母戒之曰王府君生爾必免之無愛生

御覽四百七十九

二十一
賈充

太尉魯公賈充薨初賈用韓謐爲賈氏嗣上特許之及議謐博士秦秀曰充位冠羣后惟民之望而悖禮溺情以亂大倫案謐法昏亂紀度曰荒充宜謐曰荒上弗從賜謐曰武御覽五百六十二

何曾

何曾卒下禮官謐博士秦秀議曰曾資性驕奢不修軌則奕世以來宰臣輔相未有受詬

辱之聲被有司之劾父子塵累而蒙恩貸若曾者也謹案謐法名與實爽曰繆怙威肆行曰醜宜謐爲繆醜御覽五百六十二

文淑

文淑字次騫小名鴛有武力籌策楊林胡烈爲虜所害武帝西憂遣淑出征所向摧靡秦涼遂平名震天下爲東夷校尉姿器旅力萬人之雄御覽二百七十五

馮恢

處士馬恢志行過人以爲散騎侍郎張華曰
臣請觀之若不見臣上也見而有傲世之容
次也敬而爲賓主者固俗士也乃華至恢待
之恭於是時人少之

御覽二百二十四

呂安

呂安友嵇康相思則命駕千里從之或遇其
行康兄喜位至方伯拭席而待弗之顧也獨
宿車中康母設酒求康兒共戲則去

御覽四百九十一文選陸韓卿奉荅內兄希叔詩注引初

呂安友嵇康至千里從之

董仲道

庶人楊氏幽於金墉城陳留董仲道遊於太
學喟然而嘆曰建斯室也何爲者乎每見國
家赦書謀反大逆皆除其殺祖父母父母者
不除以爲道法所不容也何今日公卿處議
文飾典禮以至此事乎天理之理旣惑大亂
將作矣顧謂謝鯤阮千里等曰易稱知幾其
神卿等各可深逃乃自荷擔妻子推鹿車以
入於蜀山莫知所往

御覽六百五十二

閻纘

閻纘爲人鷙直不畏強禦初仕爲太傅楊駿舍人

御覽二百四十九

傅咸

傅咸爲司徒長史多所執正

御覽二百九

華譚

華譚依周馥及琅邪王遣甘卓攻馥譚先於卓有恩卓募人入城求譚入者至舍問華侯在否吾甘揚威使也譚曰不知華侯所在抽

綱二疋授之使人還以告卓曰是華侯也

御覽八百十七

鄭默

大鴻臚鄭默有母喪旣葬有司依常使還攝職默固陳執久乃許之於是定令聽大臣得終喪焉

御覽五百四十五

朱沖

南安朱沖其鄰人失犢與沖犢相類來取之冲不與爭後得之於堅冰之下慙謝冲冲不

子寶晉系
受御覽八百九十八

管輅

初管輅至母邱氏墓下倚樹哀吟精神不樂
林木雖茂無形可交碑誄雖美無後可守御覽
五十七

孫皓

孫皓遣使詔書賜班罽五十張絳罽二十張
紫青罽各五十張御覽
八百十六

成夫人

晉永嘉初有神見兗州甄城丘家免奴爲主簿自號爲樊道基有嫗號成夫人欲迎致便載車行當得此免奴主簿從行爲譯以宣所宜汝南梅蹟字仲眞去鄴來經兗州聞其然因結羊世茂阮士公諸賓往觀之成夫人便遣主簿出當與貴客語主簿死不肯避成夫人因大嗔索士公馬鞭脫主簿鞭之御覽
三
百五十九

人產龍

愍帝建興三年抱羣妓人產一龍子色似錦文望之如見神光在牀下少有就視者三百六十一

盤瓠

武陵長沙郡夷盤瓠之後也雜處五服之內憑土阻險每常爲猱雜魚肉而歸以祭盤瓠俗稱赤髓橫裙子孫御覽七百八十五

白石綺

初洛中名服有白石綺識者尤之曰石非繪

綵之稱御覽八百十六 已上俱御覽

魏文帝

魏文帝臨江嘆曰嗟乎固天所以限南北也

寰宇記江南東道潤州丹徒縣

孟宗

孟宗江夏人遷吳會時制不得將家行每得

時味必以寄母

緝畧六

孫皓

吳王孫皓將其子瑾等泥首面縛降王濬

後漢

案晉書五行志孫休後衣服之制上長下短人積領五六而裳居一二王寶曰上饒奢下儉逼上有餘下不足之妖也至孫皓果奢暴恣情於上而百姓彫困於下卒以亡國是其應也又云武帝泰始初衣服上儉下豐著衣者皆厭襫此君衰弱臣放縱下捲上之象也至元康末婦人出兩襦加平交領之上此內出外也爲車乘者苟貴

輕細又數變易其形皆以白篾爲純蓋古喪車之遺像也夫乘者君子之器蓋君子立心無恒事不崇實也干寶以爲晉之禍徵也及惠帝踐祚權制在於寵臣掩上之應也至永嘉末六宮才人流冗沒於戎狄內出外之應也及天下撓亂宰輔方伯多負其任又數改易不崇實之應也又云元康太安之間江淮之域有敗屬自聚於道多者至四五十量人或散投坑谷明日

視之復如故或云見狸銜聚之干寶以爲夫屬者人之賤服處於勞辱黔庶之象也敗者疲弊之象道者四方往來所以交通王命也今敗屬聚於道者象黔庶罷病將相聚爲亂以絕王命也太安中發王午兵百姓怨叛江夏張昌唱亂荆楚從之如流於是兵革歲起服妖也又云魏明帝景初二年廷尉府中雌雞化爲雄不鳴不將干寶曰是歲宣帝平遼東百姓始有與能之

義此其象也然晉三后並以人臣終不鳴不將又天意也又云愍帝建武元年六月揚州旱去年十二月淳于伯窪死其年卽旱而大興元年六月又旱干寶曰殺淳于伯之後旱三年是也又云武帝太康六年南陽獻兩足猛獸此毛蟲之孽也干寶以爲獸者陰精居於陽金獸也南陽火名也金精入火而失其形王室亂之妖也六水數言水數旣極火慝將作而金受其敗也

至元康九年始殺太子距此十四年二十七
十四火始終相乘之數也自帝受命至愍
懷之廢凡三十五年焉又云吳孫亮五鳳
二年五月陽羨縣離里山大石自立于寶
以爲孫皓承廢故之象得位其應也或曰
孫休見立之祥也又云太安元年丹陽湖
熟縣夏架湖有六石浮二百步而登岸民
驚噪相告石夾千寶曰尋有石冰入建鄴
又云天紀三年八月建鄴有鬼目菜於工

黃狗家庄依緣棗樹長丈餘莖廣四寸厚
二分又有賣菜生工吳平家高四尺如枇
杷形上圓徑一尺八寸莖廣五寸兩邊生
葉綠色東觀案圖名鬼目作芝草賣菜作
平慮遂以狗爲侍芝郎平爲平慮郎皆銀
印青綬干寶曰明年平吳王濬止船正得
平渚姓名顯然指事之徵也黃狗者吳以
土運承漢故初有黃龍之瑞及其季年而
有鬼目之妖託黃狗之家黃稱不改而貴

賤大殊天道精微之應也又云惠帝元康
五年三月呂縣有流血東西百餘步此赤
祥也至元康末窮凶極亂僵屍流血之應
也干寶以爲後八載而封雲亂徐州殺傷
數萬人是其應也又云愍帝建興四年十
二月景寅丞相府斬督運令史淳于伯血
逆流上柱二丈三尺此赤祥也是時後將
軍褚裒鎮廣陵丞相揚聲北伐伯以督運
稽留及役使贓罪依軍法戮之其息訴稱

督運事訖無所稽乏受賊役使罪不及死
兵家之事先聲後實實是屯戍非爲征軍
自四年已來運漕稽停皆不以軍興法論
僚佐莫之理及有變司直彈劾衆官元帝
不問干寶以爲冤氣之應也又云魏明帝
青龍元年正月甲申青龍見郊之摩陂井
中九瑞興非時則爲妖孽況困於井非嘉
祥矣魏以改年非也干寶曰自明帝終魏
世青龍黃龍見者皆其主廢興之應也魏

士運青木色而不勝於金黃得位青失位之象也青龍多見者君德國運內相尅伐也故高貴鄉公卒敗於兵又云孫休永安四年吳民陳焦死七日復生穿冢出干寶曰此與漢宣帝同事烏承侯皓承廢故之家得位之祥也案已上敘說不無晉書文飾其辭然旣引干寶曰是必干寶晉紀所有故備錄之又宋書五行志亦引干寶曰茲不備載

附司徒儀

左長史之職掌差次九品銓衡人倫也書鈔六十八

左長史職掌佐公修文政掌察郡吏

同上

司馬之職掌佐公修武政簡其軍旅飾其器械也

同上

從事中郎之職分曹綱紀其事維正大禮上掾屬之職敦明教義肅厲清風以訓羣吏以

重朝望

同上

錄事之職掌總錄衆曹管其文案

書鈔六十九

錄事叅軍掌舉直錯枉同上

記室掌表章啟奏同上

記室之儀凡有表章雜記之書掌創其草同上
記室之職凡掌文墨表章弔賀之禮題署也同上

中兵叅軍掌督帳內牙門將及軍器給其軍事也同上

中兵之任凡在軍者以時科其器械綜其人數罰姦詐均勞逸同上

從事中郎之職各掌其所治之曹而紀綱其事維正大體叅輔謀議御覽二百九

左長史職掌檢其法憲明其分職同上

掾屬之職敦明教義肅厲清風非禮不言非法不行以訓羣吏以貴朝望各掌其所曹之治同上

行叅軍之職凡使命及督察復行之事彈劾逋違獻納聞見以達視聽御覽二百四十九

